

ÁKVÖRÐUN FRAMKVÆMDASTJÓRNARINNAR

2013/EES/9/25

frá 12. maí 2011

um aðferð við staðfestingu á samræmi byggingarvara skv. 2. mgr. 20. gr. tilskipunar ráðsins 89/106/EBE að því er varðar rafmagns-, stjórnunar- og samskiptakapla (*)

(tilkynnt með númeri C(2011) 3107)

(2011/284/ESB)

FRAMKVÆMDASTJORN EVROPUSAMBANDSINS
HEFUR,

með hliðsjón af sáttmálanum um starfshætti Evrópusambandsins,

með hliðsjón af tilskipun ráðsins 89/106/EBE frá 21. desember 1988 um samræmingu á lögum og stjórnsýslufyrirmælum aðildarríkjanna um byggingarvörur ⁽¹⁾, einkum 4. mgr. 13. gr.,

að höfðu samráði við fastanefndina um byggingarmál,

og að teknu tilliti til eftirfarandi:

- 1) Þegar framkvæmdastjórnin velur á milli aðferðanna tveggja, sem kveðið er á um í 3. mgr. 13. gr., við að staðfesta samræmi vöru skal velja ódýrustu aðferðina af þeim sem samrýmast öryggissjónarmiðum. Þetta merkir að nauðsynlegt er að ákveða, með tilliti til ákveðinnar vöru eða ákveðins vöruflokks, hvort framleiðslustýringarkerfi í verksmiðju, sem framleiðandi ber ábyrgð á, er nauðsynlegt og nægilegt skilyrði fyrir staðfestingu á samræmi eða hvort þörf er á afskiptum samþykkt vottunaraðila af ástæðum er varða samræmi við viðmiðanirnar sem um getur í 4. mgr. 13. gr. þeirra tilskipunar.
- 2) Samkvæmt 4. mgr. 13. gr. tilskipunar 89/106/EBE skal aðferðin, sem þannig er valin, tilgreind í umboðunum og tækniforskriftunum. Því er æskilegt að nota sömu skilgreiningu á hugtakinu vörur eða vöruflokkur og notuð er í umboðunum og tækniforskriftunum.

(*) Þessi EB-gerð birtist í Stjtið. ESB L 131, 18.5.2011, bls. 22. Hentar var getið í ákvörðun sameiginlegu EES-nefndarinnar nr. 197/2012 frá 26. október 2012 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, sjá *EES-viðbæti við Stjórnartíðindi Evrópusambandsins* nr. 6, 24.1.2013, bls. 12.

⁽¹⁾ Stjtið. EB L 40, 11.2.1989, bls. 12.

3) Aðferðunum tveimur, sem kveðið er á um í 3. mgr. 13. gr. tilskipunar 89/106/EBE, er lýst ítarlega í III. viðauka við tilskipunina. Því er nauðsynlegt að tilgreina með skýrum hætti, með hliðsjón af III. viðauka, hvernig þessum tveimur aðferðum skuli beitt, að því er varðar hverja vöru eða hvern vöruflokk, þar eð ákveðin kerfi eru tekin fram yfir önnur í III. viðauka.

4) Aðferðin, sem um getur í a-lið 3. mgr. 13. gr. í tilskipun 89/106/EBE, svarar til kerfanna sem eru tilgreind í fyrsta kosti, án stöðugs eftirlits, og í öðrum og þriðja kosti í ii. lið 2. liðar í III. viðauka við tilskipun 89/106/EBE. Aðferðin, sem um getur í b-lið 3. mgr. 13. gr., svarar til kerfanna, sem eru tilgreind í i. lið 2. liðar í III. viðauka og í fyrsta kosti í ii. lið 2. liðar í III. viðauka, með stöðugu eftirliti.

SAMÞYKKT ÁKVÖRÐUN ÞESSA:

1. gr.

Staðfesta skal samræmi vara og vöruflokka, sem eru tilgreindir í I. viðauka, með aðferð þar sem framleiðandinn ber einn ábyrgð á framleiðslustýringarkerfi í verksmiðju sem tryggir að vara sé í samræmi við viðeigandi tækniforskriftir.

2. gr.

Staðfesta skal samræmi vara og vöruflokka, sem eru tilgreindir í II. viðauka, með aðferð þar sem gert er ráð fyrir, til viðbótar við framleiðslustýringarkerfi í verksmiðjunni sem framleiðandinn starfrækir, þátttöku viðurkennds vottunaraðila við mat og eftirlit með framleiðslustýringunni eða vörunni sjálfri.

3. gr.

Í viðeigandi tækniforskrift skal tilgreina hvaða aðferð sé valin til að staðfesta samræmi skv. III. viðauka.

4. gr.

Ákvörðun þessari er beint til aðildarríkjanna.

Gjört í Brussel 12. maí 2011.

Fyrir hönd framkvæmdastjórnarinnar,

Antonio TAJANI

varaforseti.

I. VIÐAUKI

Rafmagns-, stjórnunar- og samskiptakaplar⁽¹⁾:

Til notkunar í byggingum og öðrum mannvirkjum sem falla undir reglur um hættuleg efni og/eða viðbrögð við bruna, nema að því er varðar vörur úr efnum í flokkum A_{ca}, B1_{ca}, B2_{ca}, C_{ca}.

⁽¹⁾ Rafmagns-, stjórnunar- og samskiptakaplar sem ætlaðir eru til notkunar við spennu milli 50 og 1000 V við riðstraum og milli 75 og 1500 V við jafnstraum falla einnig undir ákvæði tilskipunar ráðsins 73/23/EBE, sem kallast „Lágspennutilskipunin“ (Stjtið. EB L 77, 26.3.1973, bls. 29).

II. VIÐAUKI

Rafmagns-, stjórnunar- og samskiptakaplar⁽¹⁾:

Til notkunar í byggingum og öðrum mannvirkjum sem falla undir reglur um viðbrögð við bruna að því er varðar vörur úr efnum í flokkum A_{ca}, B1_{ca}, B2_{ca}, C_{ca} og/ eða reglur um brunapól.

⁽²⁾ Rafmagns-, stjórnunar- og samskiptakaplar sem ætlaðir eru til notkunar við spennu milli 50 og 1000 V við riðstraum og milli 75 og 1500 V við jafnstraum falla einnig undir ákvæði tilskipunar ráðsins 73/23/EBE, sem kallast „Lágspennutilskipunin“ (Stjtið. EB L 77, 26.3.1973, bls. 29).

III. VIÐAUKI

Athugasemd: Þegar um er að ræða vörur sem hafa fleiri en eitt þeirra áformuðu notkunargilda, sem eru tilgreind fyrir eftirtalda vöruhópa, annast samþykktur aðili öll þau verkefni sem rekja má til viðkomandi kerfa til staðfestingar á samræmi.

VÖRUHÓPUR

RAFMA GNS-, STJÓRNUNAR- OG SAMSKIPTAKAPLAR (1/3)

Kerfi til staðfestingar á samræmi

Fyrir þær vörur og þau áformuðu not, sem eru talin upp hér á eftir, eru Staðlasamtök Evrópu/Rafstaðlasamtök Evrópu (CEN/CELEC) beðin að tilgreina eftirfarandi kerfi til staðfestingar á samræmi í viðeigandi samhæfðum stöðlum:

Vara/vörur	Áformuð not	Stig eða flokkur/flokkar (viðbrögð við bruna)	Kerfi til staðfestingar á samræmi
Rafmagns-, stjórnunar- og samskiptakaplar	til notkunar sem heyrir undir reglur um viðbrögð við bruna	A _{ca} , B1 _{ca} , B2 _{ca} , C _{ca}	1+
		D _{ca} , E _{ca}	3
		F _{ca}	4

Kerfi 1+: sjá i. lið 2. liðar í III. viðauka við tilskipun 89/106/EBE, með úttektarprófun á sýnum sem tekin eru í verksmiðjunni.

3. kerfi: sjá annan kost í ii. lið 2. liðar í III. viðauka við tilskipun 89/106/EBE.

4. kerfi: sjá þriðja kost í ii. lið 2. liðar í III. viðauka við tilskipun 89/106/EBE.

Forskriftin fyrir kerfið skal þannig úr garði gerð að hægt sé að nota hana, jafnvel þegar ekki er þörf á að ákvarða nothæfi vörunnar m.t.t. tiltekins eiginleika þar sem ekki hafa verið gerðar neinar lögboðnar kröfur um viðkomandi eiginleika í a.m.k. einu aðildarríki (sjá 1. mgr. 2. gr. tilskipunar 89/106/EBE og, eftir atvikum, lið 1.2.3 í grunnskjölunum). Í slíkum tilvikum má ekki gera þá kröfu til framleiðandans að hann sannprófi viðkomandi eiginleika óski hann ekki eftir að tilgreina nothæfi vörunnar í þeim efnum.

VÖRUHÓPUR

RAFMA GNS-, STJÓRNUNAR- OG SAMSKIPTAKAPLAR (2/3)

Kerfi til staðfestingar á samræmi

Fyrir þær vörur og þau áformuðu not, sem eru talin upp hér að aftan, eru Staðlasamtök Evrópu/Rafstaðlasamtök Evrópu (CEN/CELEC) beðin að tilgreina eftirfarandi kerfi til staðfestingar á samræmi í viðeigandi samhæfðum stöðlum:

Vara/vörur	Áformuð not	Stig eða flokkur/flokkar (brunaþol)	Kerfi til staðfestingar á samræmi
Rafmagns-, stjórnunar- og samskiptakaplar	til notkunar sem heyrir undir reglur um brunaþol	P15 – P30 – P60 – P90 – P120 PH15 (*) – PH (*) 30 – PH (*) 60 – PH (*) 90 – PH* 120	1+

Kerfi 1+: sjá i. lið 2. liðar í III. viðauka við tilskipun 89/106/EBE, með úttektarprófun á sýnum sem tekin eru í verksmiðjunni.

(*) Gildir um afl- og merkjakapla eða –kerfi með lítið þvermál (< 20 mm þvermál og leiðarastærðir ≤ 2,5 mm²).

Forskriftin fyrir kerfið skal þannig úr garði gerð að hægt sé að nota hana, jafnvel þegar ekki er þörf á að ákvarða nothæfi vörunnar m.t.t. tiltekins eiginleika þar sem ekki hafa verið gerðar neinar lögboðnar kröfur um viðkomandi eiginleika í a.m.k. einu aðildarríki (sjá 1. mgr. 2. gr. tilskipunar 89/106/EBE og, eftir atvikum, lið 1.2.3 í grunnskjölunum). Í slíkum tilvikum má ekki gera þá kröfu til framleiðandans að hann sannprófi viðkomandi eiginleika óski hann ekki eftir að tilgreina nothæfi vörunnar í þeim efnum.

VÖRUHÓPUR

RAFMA GNS-, STJÓRNUNAR- OG SAMSKIPTAKAPLAR (3/3)

Kerfi til staðfestingar á samræmi

Fyrir þær vörur og þau áformuðu not, sem eru talin upp hér að aftan, eru Staðlasamtök Evrópu/Rafstaðlasamtök Evrópu (CEN/CELEC) beðin að tilgreina eftirfarandi kerfi til staðfestingar á samræmi í viðeigandi samhæfðum stöðlum:

Vara/vörur	Áformuð not	Stig eða flokkur/flokkar	Kerfi til staðfestingar á samræmi
Rafmagns-, stjórnunar- og samskiptakaplar	Til notkunar sem heyrir undir reglur um hættuleg efni	—	3

3. kerfi: sjá annan kost í ii. lið 2. liðar í III. viðauka við tilskipun 89/106/EBE.

Forskriftn fyrir kerfið skal þannig úr gærði gerð að hægt sé að nota hana, jafnvel þegar ekki er þörf á að ákvarða nothæfi vörunnar m.t.t. tiltekins eiginleika þar sem ekki hafa verið gerðar neinar lögboðnar kröfur um viðkomandi eiginleika í a.m.k. einu aðildarríki (sjá 1. mgr. 2. gr. tilskipunar 89/106/EBE og, eftir atvikum, lið 1.2.3 í grunnskjölnum). Í slíkum tilvikum má ekki gera þá kröfu til framleiðandans að hann sannprófi viðkomandi eiginleika óski hann ekki eftir að tilgreina nothæfi vörunnar í þeim efnum.